



**Nicolai Lancicij E Societate Iesv Opvcvlorvm Spiritvalivm
Tomvs ...**

Łęczycki, Mikołaj

Antverpiae, 1650

De gloria S. Ignatij ex S. Philippo Nerio deriuata. Cap. XX.

[urn:nbn:de:hbz:466:1-78821](#)

alius ex eadem Societate, qui cum animaduerteret B.V.Teresiam pro ingenij nobilitate, ijs à quibus diligebatur amicitia professione, vicem rependere, quæ affectum erga Diuina diminuere posset, suadere cœpit, ijs necessitudinibus nuntium remitteret. Res subauctera visa est, obtendebat enim ingratitudinem. At Pater ille orandum dixit, & Spiritus sanctus hymnum per dies aliquot ad lucem impetrandas ininxit. Avidè tem agressa est, & die quadam cum pro re longius orasset, subitaneo raptu, quemvisque ad id tempus expērta non fuerat; propè sensibus alienata, in animo centro, audiuit verba hæc: Nolo iam cum hominibus, sed cum Angelis familiariter verseris. Quæ sanè verba cordi Virginis robur tantum indiderunt, ut quod annis plurimis, nauitare multâ, consilijs oportuni nequiverat, momento vno peregerit. Hinc clementissimus Deus eam alloqui cœpit, & ciberrimè consuevit. *Hæc ille.*

Etsi ego huius Opusculi Scriptor in omnibus editionibus Hispanicis & Italicis, vita Sanctæ Teresiae, & Romæ aliquoties, & Neapoli, ab ipsam scripta & postea impressa, legerim hæc omnia, quæ in hoc Capite recensui, hoc non contentus, cum resciuissent aliquos Religiosos (quorum nominibus parco) in hoc Regno non semel coram secularibus suis confiditibus sparsisse hæc que recensui, non esse vera, post felicem electionem Adm.R.P.N. moderari Propositi Generalis Vincentij Cartasa, rogaui R.P.Petrum de Mendoza, tunc quoque à nobis eleatum. Assistentem Hispaniæ vt committeret alicui Patri in Hispania, vt adiret bibliothecam celebris in Hispania Monasterij Regij S.Laurentij, dicti Erculari, in qua bibliotheca tanquam pretiosus thesaurus conferatur vita S.Teresiae, propria ipsius manu scripta. Cōmisit hoc negotium R.P. Assistentis vni è nostris Patribus, qui adiit hoc Monasterium, & diligenter curauit ex vita Originali S.Teresiae fideliter transcribi hispanice, omnia illa, quæ in hoc capite ex vita eius Romæ bis impressa, recensui. Hac re confessæ & authenticæ in Publicum Instrumentum relata coram testibus, misit mihi R.P. Assistentis hoc Instrumentum Authenticum à quatuor Notariis Apostolicis iuratis subscriptum, cum solitis clausulis & solennitatibus. Scriptus hoc Instrumentum Notarius Apostolicus Hector Dela Barrera, & Montenegro, tanquam is qui coram testibus aliquot Religiosis illius Monasterij, in illa bibliotheca hæc omnia in hoc capite à me narrata descripsit ex vita S.Teresiae propria eius manu scripta. Scriptus autem authenticæ hoc Instrumentum anno 1646, decima die Mensis Septembbris, ad instantiam R.P.Fr. Ambrosij de S.Maria, coram testibus Iosepho de Penalber, & Dominico Gonzales de Argumosa, & Alphonso Gomez, Religiosis dicti Monasterij. Porro textus hispa-

nicus ab hoc Notario transcriptus, plane ad verbum congruit cum mea versione latina in in hoc Capite à me posita. Accedit, quod dictus Notarius Apostolicus in principio sibi Instrumenti expressè facit mentionem huius Capitis Decimoni, & pagina 174. Opusculi de Gloria S. Ignati Antwerpia impressi Anno 1629. & alterius textum Hispanicum S.Teresiae cum Latina mea narratione concordat. Nullus ergo, nisi malignus & inuidus hæc à me scripsit in dubium vocare potest.

CAPT Vigesim V.

De Gloria S. Ignati ex S. Philippo Neri derivata.

ANequam ostendamus modos, quibus S. IGNATIO gloria ex S. Philippo Neri accessit, breuiter declarandum est, quis & quantus vir fuerit Sanctus Philippus Neri. Fuit is fundator Congregationis Oratorij, ex qua tum viri alii clarissimi, tum celeberrimus ille Annalium Ecclesiasticorum Scripтор, Cæsar Baroniūs, & Thomas Bozzius author duorum Tomorum de signis Ecclesia, prodierunt. Horum Spiritualis Magister ac Pater B.Philippus, cum omnibus Christianis virtutibus mirificè excelleret, virginitatem illibatam perpetuè seruavit, neque id solum, sed etiam suaissimum pudicitia odorem, factoremque impudicorum hominum diuinitatis sentiebat. Prophetia dono valde excelluit, multa occulta & absentia, & cordium arcana cognovit, multa futura verissimè prædictiv. Christi Angelorum, Sanctorumque apparitionibus frequenter recreabatur. Viens ipse plurimis apparuit, & periclitantes opem tolit. Agros innumeros sanauit, morti proximos à morte liberavit; mortuum viuens ad vitam reuocauit, alterum post mortem, vi omissam alia eius insignia miracula. Sæpe orans vel Sacrum faciens, toto corpore à terra sublatum, visus est: innumeros è peccatorum soribus eruptos ad piam religiosamque vitam traduxit, in maximaque apud omnes veneratione vixit. Tandem plenus meritis, octogesimo sua ætatis anno Romæ obiit 26. Maij 1595.

Hic tantus vir adeo in tota Ecclesia Dei celebris & à Deo Sanctorum gloria sublimatus, ut vocatur in Oratione approbata à Sacra Rituum congregatione, erat familiaris S. Ignatio, & quo ante institutam à se Congregationem Oratorij Romani, perit in nostram Societatem recipi: quemadmodum eo mortuo illius intimi, Cardinalis Crisostomus & noster Bellarminus, se id à S.Philippo audirent narrarunt. Ego sanè anno 1596, hoc publicè à Bellarmino, tunc nostro Rectore in Collegio Romano audiui, immo & causam ei à S. Philippo natratam tanquam

Ecc 4 sibi

sibi valde caro, ob quam illum admittere ad Societatem nostram noluit S. Ignatius. Hoc ipsum anno 1630. R.P. Mutius Vitellescius, noster Praepositus Generalis, mihi hoc sciscitanti dixit, se audiuisse sapissime ex ore S. Philippi quod petierit a nostro P. Ignatio, admitti ad nostram Societatem. Postea cum Romam discessisset, & eiusdem R.P. Mutii concessione, ad instantiam Provincie Bohemiae illuc migrasset, cupiens ad perpetuam rei memoriam hac de re extare in Archivio nostro Romano testimonium R.P. Mutii, hoc ab illo petij, 22. Maij anni 1636, per literas ad eum Oloムcio datas, & id ab eo obtinui per literas ab eo ad me datas Romam 28. Iulij eiusdem anni, subscriptas eius manu propriâ, & sigillo Praepositi Generalis obsignatas, quas penes me habeo, & diligenter conseruo, præter aliud earum exemplar quod Romæ in Archivio Societatis conseruator.

Ab eo tempore S. Philippus S. Ignatium magis caput amare, & Societatem nostram ab eo institutam: præsertim quia saxe videbat ex oculis & vultu, coruscantes lucis radios cælestes, in signum, ut dicere solebat, sanctimoniam Ignatij & pulchritudinis interioris animæ illius. Hoc ego primum audiri Romæ anno 1596, ab Antonio Gallonio, dilectissimo eius discipulo & spirituali filio, intime meo amico, primo Scriptore vita S. Philippi, qui hoc se audiuisse ex ore S. Philippi, mihi dixit, & postea idem iurando confirmauit in Procesu primo facto, pro Canonizatione B. Philippi, scripto a Jacobo Bucio Canonico Lateranensi, Notario Vicarij Papæ Clementis, vii scribit Gallonius, in principio vita B. Philippi, & postea idem Gallonius in vita B. Philippi Romæ latinè edita pag. 15. hoc ipsum scriptis de visu à B. Philippo his splendoribus: quod iterum recenset in vita Italica Romæ à se edita. De iisdem splendoribus cælestibus ex vultu S. Ignatij à S. Philippo visus testatur Baccius in vita S. Philippi libro 3, capitulo 2, numero 12. & Augustinus Mannus cap. 261, selecta historia. Quod adeo certum est, ut hoc Cardinales Sacris Ritibus Praepositi retulerint in Relatione data Summo Pontifici Gregorio XV. in Consistorio secreto, per Franciscum Mariam Episcopum Portuensem Cardinalem à Monte, inter motiva pro persuadenda Canonizatione S. Ignatij. Quocirca & in Bulla Romani Pontificis Canonizationem S. Ignatij promulgante, hic ipse splendor à S. Philippo visus in testimonium sanctitatis Ignatij positus est: & in Officio S. Ignatij, concessio pro toto mundo, approbato à Sacra Rituum Congregatione, & postea à Summo Pontifice Innocentio X. imperato omnibus Christi fidelibus, ut illud recitent, die 31. Iulij, qui ad Horas Canonicas recitandas ex præscripto tenentur.

Ex eodem affectu erga S. Ignatium, & erga Nostram Societatem, S. Philippus, (vt ad alios

Sacros Ordines Religiosos) mittebat suos filios Spirituales, quos iudicabat esse idoneos pro Societate nostra, eam vt ingredierentur. Et sciens Concionatores Societatis, suas Conclaves, ad auxilium animarum dirigere, solebat saxe cum aliquot e suis venire ad templum nostræ Domus Professæ Romanae, diebus festis, ad audiendas Conclaves nostri P. Emanuelis Sa, celebris ex scriptis postea editis, dum concionaretur post meridiem in nostro templo. Quod audiui ab oculatis testibus S. Philippo coevis.

Post mortem quoque suam S. Philippus, eundem erga S. Ignatium & Societatem nostram retinuit affectum. Cum enim S. Philippus ad petendum ab Ignatio consilium in rebus dubiis confugere solitus fuerit, & cum angeretur animo, solo aspectu Ignatij recreari; etiam post mortem Ignatij, eius sepulchrum adire, ibique orare solebat, & necessitatibus quas P. Ignatio post eius mortem commendabat, saxe P. Ignatio solitum adiuvari, dixit suo dilecto filio Spirituali, viro integerrimo, benè mihi noto Romæ, Marco Antonio Maffa Abbati seculari, Visitatori Apostolico, valde charo Clementi VIII. Romano Pontifici. Quæ duo ultima puncta, quæ hæc immediate scripsi, Andreas Sorbellonus Episcopus Eugubinus coram Notario Apostolico, iure iurando testatus est, se audiuisse dicto, Abbatem Maffam, suo intimo amico, dicta hæc ei fuisse ab ipso S. Philippo Neri. Erat enim & iste Episcopus Eugubinus cum Abbatem Maffa, & aliquot aliis Episcopis, Visitatori iussi Clementis VIII. Romanarum Ecclesiæ, ut eximias prudentias & pietatis, qui me ad suis confessiones adhibebat, & à me in Novitiatu Romano, dum illic post studia absolta manarem Spiritualibus S. P. N. Ignatij Exercitiis, excoli voluit. Extat hoc huius magni Episcopi Sorbellongi testimonium de his diuibus rebus sibi ab Abbatem Maffa dictis & ab hoc auditis à S. Philippo iuramento confirmatum, à me non semel accuratè lectum. Romæ in quodam Procesu facto pro Canonizatione S. Ignatij, cuius authenticum exemplum Romæ exuli, & in Archivio Collegij Cracoviensis, (cuius tunc Rector eram reliqui donatum mihi ab heredibus Ildefonsi Manzanedo Sacra Romana Rota Auditori, cui & Francisco Sacro Archeepiscopo Damasceno, & Ioanni Baptista Pamphilio, tunc Sac. Rotæ Auditori, nunc Summo Pontifici, & totius Christi Ecclesiæ Præfici ac Pastori, examen omnium Procesuum à Sede Apostolica, ut moris est, commissum fuit.

Idem S. Philippus, ex benevolo affectu erga P. N. Ignatium & erga Societatem nostram, post mortem sui ultimi Confessarii secularis Sacerdotis, Petri Spadati Aretini, vnius ex pia illa Congregatione valde bonorum Sacerdotum secularium, penes Ecclesiam S. Hieronymi, dictam Italicæ, della carita, manentis, mortuorum magna

magna opinione virtutis, elegit è Nostra Societate Confessarium P. Ioannem Baptista Peruscum, virum valde Spiritualē & sanctū, antea Provincialem Provinciæ nostræ Mediolanensis, eique per aliquot annos ordinati confiteri solebat. Hoc est, ab anno 1583 quo S. Philippus ex domicilio S. Hieronymi, ad instantiam suorum iussu Gregorij XIII. migravit ad domicilium Congregationis Oratorij à se fundata, penes Eccleiam S. Mariae in Valicella. In quo domicilio manens confitebatur nostro P. Perusco manenti in Domo nostra, usque ad anni 1593. 23. diem Mensis Iulij. Quo tempore S. Philippus erat Praepositus illius piissimæ Congregationis ab ea electus, ut esset Praepositus usque ad mortem. Sed cum ingrauecente aetate, (quippe octogenarius) nollet amplius illam Congregationem gubernare, & importunè impetrasset, per aliquot Cardinales, ut Clemens VIII. annueret eius desiderio, optimi illi Patres coacti elegerunt in suum Praepositum Cæsarem Baronium, nunc in tota Ecclesia celebrem, & de tota Ecclesia, & de nostra Societate optimè meritum. Ab hoc tempore cœpit usque ad mortem confiteri ordinarie Casari Baronio, tanquam suo Praeposito, cui per duos circiter annos confitebatur. Sed, et si continuare suas confessiones ordinarias coram nostro P. Perusco non posset (frequentibus infirmitatibus corporis, & aetate octoginta annorum debilitatis) longè distante à Domicilio Oratorij, solebat tamen per interwalla aliquoties in anno adire P. Peruscum, eique suæ conscientia statum in confessione aperire. Hoc didici, partim ex vita S. Philippi scripta à Baccio libro 1. capite 9. numero 3. partim audiui ab ipso P. Perusco, dum Anno 1596. eum comitaret euntem ad visitandum sepulchrum B. Philippi, & cubiculum in quo sancte mortuus est.

CAPVT VIGESIMVM PRIMVM.

De Gloria quam S. Ignatio attulit Sanctus Cardinalis Carolus Borromeus.

Non postremam S. IGNATIO gloriam attulit idæa perfectissimæ sanctitatis S. CAROLUS BORROMÆUS Cardinalis & Archiepiscopus Mediolanensis, qui & S. IGNATIUM mortuum pè coluit, & eius Exercitorum libello & usu ad miram illam, toti mundo perspectam vitæ sanctimoniam peruenit, operaque Societatis à S. IGNATIO institutæ, perpetuò, dum potuit, usus est; ut multis argumentis ijsque certissimis, appearat ex rebus gestis S. CAROLI, editis ab eius domesticis Prælati, Ioanne Petro GIULIANO, & GRATTAROLIO, & alijs.

Anno 1562. Cum S. CAROLUS Sacris Ordinibus initiatus esset, ad offerendum Deo primum

Missæ Sacrificium se preparare volens, elegit pro hac re Domum Professorum Romanam Societatis IESV, in qua Exercitijs Spiritualibus Sancti IGNATII Fundatoris excultus fuit. Ita refertur in libro Italico de Successibus venerationis S. CAROLI edito à M. Aurelio Grattarola, in Oratione habita in Anniversario B. CAROLI coram altero Card. BORROMEO, Clero, & populo Mediolanensi, Anno 1602.

Idem S. CAROLUS, ubi ceremoniâ ingenti prima Deo libamina obtulit, ut publicæ pietati inseruiret, secundum Sacrum, ut pietati suæ liberti indulgeret, in Domo Professa Societatis IESV pernoctauit, postridieque in Sacello priuato quo sanctus IGNATIUS vtebatur, Sacrum fecit. Sacchinus in Historia Societatis, par. 2. l. 7. num. II.

Anno 1562. Initio Sacerdotij cœpit maiori vita austeriori, & frequentioribus praecibus incumbere, & exercitio virtutum. Qua in te, ut liber esset ab omni errandi periculo, accepit pro Duce vitæ suæ spiritualis, Patrem Ioannem Baptitam Riberam Societ. IESV, Hispanum, magna virtute, experientia, & doctrinâ præditum, qui S. CARDINALEM cum Exercitijs Spiritualibus Beati IGNATII excoluissest, per veras, solidasque virtutes ducebat, exercendo in actibus perfeitoribus eaurum. Quamobrem quotidie adibat Cardinalem in Palacio Apostolico propè Pium IV. aunculum suum manentem, diuque cum eo agebat. Quod videns humani generis hostis, & præuidens bona securitas ex hoc spirituali profectu CAROLI, concitauit præcipuos cognatos illius contrâ dictum Patrem, quem illius mutationis vitæ, in S. CAROLO causam opinabantur, dolebantque à seculari viuendi modo abhorre: ideoque exigitare irrisiōibus, conuictis, alijsque modis indignis Patrem illum ceperunt, ut ita à conuersatione cum S. CARDINALI absterrentur. Quod cum aduerteret S. CAROLUS, per vias deinceps secretas, Patrem eundem ad se introduci curabat. Ita IOANNES PETRUS GIULIANUS in vita Italica S. CAROLI VENETIIS impressa Anno 1615. libro 1. capite 5. pagina 14. columna 2.

Anno 1563. Cum S. CAROLUS, factus Archiepiscopus Mediolanensis, sciret corruptissimos cleri & populi mores, eò quod Ecclesiastici tam seculares, quam regulares peius viuerent laicos, publicis concubinatibus infames, sine clericali habitu, armis accincti, sine ornatu, & decore in templis, sine cognitione rerum necessiarum, adeò ut multi curam animarum habentes, ne formam absolutionis scirent, nec casus referunt, aut censurâs, nec unquam confiterentur ipsi, putantes se ad id non obligari, eò quod a liorum confessiones audirent, & alijs scandalis essent pleni; laici verò ob infinita vita, & contemptum rerum, ac sacramentorum Ecclesiasticorum, & deplorandam rerum Diuinarum, & ipsius